



**JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIAL**

***Komunikadu imprensa***

18 Abril 2013

**Advogado Lúcia Lobato halo akuzasaun sériu ba mal-komportamentu hasoru  
juis sira iha Tribunál Rekursu**

Iha 15 Abril 2013, advogado sira husi eis Ministra Justisa Lúcia Lobato hato'o alegasaun sériu ba judisiáriu nia komportamentu ne'ebé la diak hasoru membru Tribunál Rekursu ne'ebé julga Lúcia Lobato nia rekursu ba provizaun habeas corpus.

Advogado sira sirkula dokumentus iha konferensia imprensa hodi dehan katak juis internasionál ida hetan presau no ameesa hodi foti desizaun hasoru Lúcia Lobato husi nia kolega internasionál no nasional sira. Dokumentus ne'e mós alega involvimentu membru parlamentu ida hodi fó presau ba juis sira.

Advogado Sra. Lobato anúnsia katak sira sei hato'o keixa penál hasoru juis sira no membru parlamentu ne'ebé temi iha dokumentu ne'e ba ninian koersaun ba juis no impedimentu ba justisa.

*“JSMP preokupa tebes kona-ba alegasaun sériu sira ne'e. Deskonfiansa kona-ba la iha imparcialidade, konluiu (kongkalikong) entre juis sira hasoru arguidu ida no intervensaun husi membru parlamentu ida ba iha kazu ida ne'e nu'udar akuzasaun ne'ebé sériu teb-tebes,”* dehan Diretor Ezekutivu Luis de Oliveira Sampaio.

*“Juis sira iha obrigasaun atu orienta sira nia aan rasik ho prinsípiu justisa, imparcialidade no padraun morál ne'ebé aas.”*

Wainhira justifikadu, alegasaun sira ne'e iha poténsia hodi hatuun kredibilidade sistema justisa formál Timor- Leste.

*“JSMP husu ba autoridade competente hodi halo investigasaun kompletu no lalais ba alegasaun sira ne'e. JSMP espera parte hotu-hotu servisu hamutuk ho autoridade competente atu Timor-Leste bele kontinua la'o iha nian dalan ba estadu de direitu ne'ebé forte liu,”* tenik Diretor Ezekutivu Luis de Oliveira Sampaio.

Ba informasaun kompletu, favor kontaktu direita ba :

Luis de Oliveira Sampaio  
Direitor Ezekutivu JSMP  
Email: [luis@jsmp.minihub.org](mailto:luis@jsmp.minihub.org)  
Telefone: 3323883 / 77810637  
website: [www.jsmp.tl](http://www.jsmp.tl)